

金石萃編

第一函
五冊

鄭氏藏書

PDG

金石萃編卷十七

賜進士出身 誥授光祿大夫刑部右侍郎加七級正初議

漢十三

聞憲長韓仁銘

碑存上截高六尺九寸廣三尺八寸八行行存十九字額題漢循吏故聞憲長韓仁銘十字篆書後方刻金趙秉文跋又刻李獻能跋李天翼等題名並正書今在滎陽縣署

熹平四年十一月甲子朔廿二日西司

隸下河南尹校尉空闕典統非任素無績

勲宣善闕下仁前左聞憲經國已禮刑政得

中有子產君子闕下尉表上遷槐里令除書

未到而奉短命聖身為闕祀則祀之王制

之禮也書到郡遣吏已少牢祠闕勒異行

勸厲清惠已於其美豎石誌成表言如津

闕口口十一月廿二日酉河南尹君丞

憲謂京寫闕口口墳道頭誌成表言會月

廿日如津令

此碑出京索間左氏傳京城太尉之地滎陽令李侯

輔之行縣發地得之字畫宛然頗類劉寬碑書也韓

仁漢循吏蚤卒不見於史而見於此非不幸也李侯

亦能吏天其或者為李侯出耶抑偶然耶夫物之顯

晦有昔猶士之遇不遇也向使此碑不遇李集埋沒
於荒煙艸棘中得爲礎爲砧足矣吾聞君子之道闇
然而日彰然自古賢達埋光鏹采埋滅無聞亦何可
勝數抑有時而不幸也後千百歲陵谷變易獨此碑
尚存李集之名託此石不朽亦未可知也正大五年
十一月廿一日翰林學士趙秉彥題

兩漢重循吏而韓君之名不見于史則知班范所載
遺逸者尙多此碑又復埋沒于荒榛斷壟中閱千載
而人不識是重不幸也及吾友輔之滌拂薜口口而
樹之然後大顯于世其冥冥之中亦伸于知己者耶

金石錄卷二
輔之踈朗英偉初非百里才也乃能不目一邑爲卑
畱心政事急吏緩民霽然有及物之意行見□□褒
□踐揚□□其功名事業必將著金石而光簡冊蓋
不待附見于此然則二君皆不朽人也無疑趙郡李
獻能

正大六年八月 日奉政大夫滎陽縣令李天翼再
立石 監立石司吏董□ 石匠王福

右聞憲長韓仁銘此其移下河南尹之令牒也法以
上表下宜稱名故曰韓仁焉又銘者論謨其德善而
明著之者也刊石以名仁之美斯銘稱焉矣雖其文

辭不叶于聲詩固無害其爲銘也

金石圖

碑建於漢靈帝熹平四年金哀宗正大五年滎陽令李輔之行縣發地得之著於翰林學士趙秉文跋然康熙間修佩文書畫譜復又見遺顧南原隸辨專

搜漢碑不遺殘闕而亦闕如爲可恠也

虛舟題跋

此碑金正大中出土而明時如都元敬趙子固本

朝如顧亭林顧南原輩搜輯古碑殆遍此碑近在京

索問絕無知之者至劉太乙續金石錄始載之近乃

遍粥於世矣漢書地里志後漢郡國志皆作聞熹

劉寬碑陰河東郡聞熹作熹與此碑同史記周本紀

無不欣熹漢書郊祀志而天子心獨熹師古曰熹讀
曰喜急就章勉力務之必有喜皇象碑本作熹二字
音義同 充拏短命卽不幸短命也郁閣頌莫不創
楚不作丕此又因丕而變之與充字無異說文幸字
本作𡗗其大下著羊者音達漢隸多借用之曹全碑
不拏早世是也廣韻短同短逢盛碑命有悠短郭究
碑不拏短祚皆同 碑末云如律令此三字蓋漢人
公移中語史記儒林傳序述所載詔書前漢書朱博
傳博口占檄文陳琳爲袁紹檄豫州文東觀餘論所
載漢破羌檄皆有此三字但見之碑刻者絕少

金石

碑以熹爲喜來爲不拒爲短窄爲半牽爲幸王在中
皆加二小畫皆隸之通變也 碑自歐趙洪婁以來

皆不著于錄吳山夫謂劉太乙續金石錄始載之至
牛空山始爲摹圖而失摹李欽叔跋今日拓本則二
跋皆有泐字矣

兩漢金石記

右漢循吏聞熹長韓仁銘金正大中滎陽令李天翼
得之京索間土中令石匠王福再立石趙秉文周臣
李獻能欽叔俱有跋刊於碑之左方漢世重吏治而
仁在聞熹刑政得中碑額稱循吏賢之也仁自聞熹
遷槐里令除書未到而卒故額不云槐里令也仁旣

歿司隸校尉愍其短命下河南尹遣吏祠以少牢豎石以旌其美于此見善政之效而校尉風勸良吏之意亦可尙已天翼字輔之固安人登貞祐二年進士歷滎陽長社開封三縣令所在有治聲終石警巡使

潛研堂金石文跋尾

仁旣遷槐里遂遭隕歿尹河南者猶表其墳道如此宜乎吏治之競勸也河南尹君丞歿百官志尹下丞一人不見有君丞之文唯陽朔元年銅雁足鐙銘亦列君丞則君丞自前漢已有之豈亦如令丞長丞之謂與漢時郡符下移縣屬如朱博傳口占檄文並言

如律令今道流符咒襲用此語世多昧其效漢制官

府文書爲之故爲附著于此

授堂金石改

豫州從事尹宙碑

碑高八尺一寸廣三尺九寸十四行行二十字額二行殘闕止存從銘二字篆書今在鄢陵縣孔廟

君諱宙字周率其先出自有殷迺迄于周

世任師尹赫赫之盛固以爲氏吉甫相周

宣勛功有章文則任頌武襲獫狁二子著

詩列于風雅及其囂孫言多也事景王載

在史典秦兼天下侵暴大揆支判涼僊或

居三川或從趙地漢興以三川爲潁川分

趙地為鉅鑣故子心騰於楊縣致位甄金
吾子孫以銀艾相繼在潁川者家于僞陵
克續祖業牧守相亞君東平相之廟諱會稽
太守之曾富波集相之孫守長社令之元
子也君體溫良恭儉之德篤親於九族恂
恂于鄉黨文多會友貞賢是與治公羊春
秋經傳通書傳仕郡歷主簿督郵五官掾
功曹守昆陽令州辟從事立朝正色進思
盡忠舉衡以處事清身以厲時高位不以
為榮卑官不以為恥含純履軌秉心惟常

京夏歸德宰司嘉焉年六十有二遭離寢
疾燾平六年四月己卯卒於是論功叙實
宜勒金石迺佗銘曰

於鑠明德于我尹君龜銀之冑奔走載勛
細紀本朝優劣殊分守攝百里遺愛在民
佐翼牧伯諸夏肅震當漸鴻羽為漢輔臣
位不福德壽不隨仁景命不永早即幽昏
名光來世萬祀不泯

右碑近日鄆陵地中得之嘉靖十七年通政鄆陵劉
訥以詒許吏部穀董生子元復以貽余者也

金石史

豫州從事尹宙碑豫字磨滅以其潁川人而言本州知其爲豫州也左氏襄公三十年傳有尹言多當

周景王之世漢書酷吏傳尹賞字子心楊氏人也以

右輔都尉遷執金吾卒官今碑曰楊縣按楊氏縣屬鉅鹿郡於文不當省氏字河東郡自有楊縣又鉅鹿

之鹿不當從金位不福德福字亦副字之誤

金石文
字記

按姓譜尹與伊衡皆本伊尹故云山自有殷也崧高詩註云尹官氏也風俗通云師尹三公官也以官爲姓銘云位不福德壽不隨仁福解作副按福音富與從示者不同壽字隸法亦少異于婁壽張壽諸碑夫

漢碑莫備于隸釋而失載豈物之顯晦固有時也

金石錄補

碑所述尹氏尹少昊之子封尹城又師尹以官爲氏此以官爲氏者舉其先世二人曰言多子心子心名賞前漢酷吏也碑有云支判流儂流儂者流遷也子孫遷移于三川趙地也家于僞陵僞字去邑從人前漢書僞陵師古注僞音偃本從人後漢書作臨陵觀碑知後漢時仍作僞寫今范史乃俗學傳改之誤也銀艾相繼者銀章青綬所謂銀青也亦有云艾綬銀章者以青綬之色有似于艾葉古人用字之藻采也

立朝正色綱紀本朝指郡稱朝非朝廷也碑首題從
銘二篆字近右方中有穿與從銘二字並此又題額
之變從字不可知義余觀漢碑非墓碣則無穿中禮
器出穀校官白石神君百石卒史等是也衡方景君
武榮鄭固諸碑皆有穿中所以以下綽懸棺者此碑雖
不言葬額有穿中亦墓碑也

金石遺
文錄

金石文字記云豫字磨滅以其言本州知爲豫州今

碑甚完好無一字磨滅惟云仕郡歷主簿督郵五官
掾功曹守昆陽令州辟從事而已無豫字也或亭林
所見之本傳拓不清以爲磨滅耳

隸辨

顧寧人以鉅鹿之鹿不當從金顧南原云廣韻言
鉅郡名漢書只作鹿寧人謂不當從金非也又寧人
以位不福德福字爲副字之誤南原云福與副同
韻福衣一福也今作副史記龜策傳邦福重寶徐廣
曰福音副其字從衣俗本史記譌作福魏上尊題奏
以福四海欣戴之望副亦作福虛舟題改

宙以州辟爲從事而碑以正色立朝稱之蓋卽指州
治爲朝漢唐人皆如此宋以後不敢爲此語矣鮑琦亭集

碑額殘缺止餘從銘二字分二行篆書在穿之右吳
山夫金石文存曰篆額二行今但存其下從銘二字

君歷官至從事而卒疑其額必題漢故某州從事尹
府君銘十字今其上八字破壞不存故搨工但傳其
下二字也方綱按金石文字記以其潁川人而言本
州知其爲豫州也蓋其額當云漢故豫州從事尹君
之銘或曰尹君碑銘未可定也金石文字記作豫州
從事尹宙碑金石文存作漢從事尹宙碑潛研堂金
石文跋尾作州從事尹宙碑蓋諸家皆未嘗見元皇
慶三年一碑耳今附載于後其碑云忠顯校尉汴梁
路鄆陵縣達魯花赤兼管本縣諸軍與魯勸農事阿
八赤白皇慶元年正月二十有四日下車蒞事欽奉